

Кому Республикаса том войтырлөн газет



# ЙОЛДА

2014  
урасьом  
14-өд  
лун

6 №  
(1131)



Төвсә вальс

4-5 л.б.

## Тайо НОМЕРЫН

Февраль 5-7 лунгясö Сьытывкарын мунис «Зимушка-Зима» республикаса V конкурс, көни асьыныс мастерлуннысö петкөддисны да ордысисны том йөктысыс. Тайо конкурсыс кык вонас мунö отчыдыс.

4.5  
л.б.

Видза олан, «Йöлöга!» Барана ми - Кörtкерöс районса Керöс сиктса томулöв - юör мөдöдам. Окота, мед мян ичöt сиктса вьльторьяс йылыс став республикаыс төдiс.

8  
л.б.

Вежа Валентин лунö нöшта на окота шуны муса пöлыдды радейтана кывьяс. А позьö и сьöлөм мыгöра открытка пошта пыр ыстыны. А кутшөм нимкодь лоö сылы, кодды воас письмöыс! Быд семья, гозья аснога пасйöны тайö лунсö. Кыдзи медводзаыс адзысисны-тöдмасисны, кыдзи öзйис радейтчöм - быдöнлөн чужö алас история.

10  
л.б.

Юркарса 80 номера челядьлы садйын серпасасыны велöдыс Вероника Нестерова бара на водзмöстчö «Йöлöга» газетлөн лист бокын. Серпасасыны радейтысылы, а тшöтш и сылы, коддөн оз на ёна мичаа ставыс артмы, позьö видлыны вöчны төвся серпас - лым пытшкö дзевсьöм ичötик грезд.

16  
л.б.



## Сиöма мари войтырлы

Февраль 19 лунö Россияса финн-йöгра шöринын вöсьбö «Священные рощи народа мари» фотовыставка. Сийöс вайисны Марий Элса Т. Евсеев нима национальной музейыс.

Фотовыставкаын тыдовтчö мари войтырлөн этнокультура. Снимокьяссö дасьтöма полевöй этнографической экспедицияс дырйи музейслөн ветлiгөн 2009-2013 воясö. Уджьясын - семья, рöдвуж, сикт-грездлөн олөм-вөлөм.

Мари вежа рас - мари войтырлөн историко-культурнöй да ландшафтнöй памятник. Найö паньдасьлöны грездьясыс неылын, видзьяс шöрын, мылькьяс вылын. Мари эскöны, мый тайö вежа инын лоан матынджык Ен дорö, та могыс буретш раскын торья лунгясö ставныс öтув кевмысьöны.

*«Финноугория» сайт серти*

## Нимкодьясьöй да шензьöй

Февраль 20 лунö 16 часын Коми Республикаса Национальнöй галереяын вöсьяс «От ремесла к искусству» выставка.

Выставка вылын лоö позянлун нимкодьясны матö кыксö уджөн, кодöс чукортöмаось-öтувтöмаось галереяын 1970-2010 воясын. Пуыс, сямöдыс, керамикаыс, дöраыс, кучикиыс да уна мукöдторйыс вöчöмгьяс - ставыс дасьтöма нималана мастерьясөн. Быд вöчöмтор - аслыспөлöс мича да шензьöдана.

Выставкалөн медшöр экспонатөн лоö Вячеслав Кисловөн дасьтöм «Горка» панно, кодöс серпасасыс-график дасьтöма сямöдыс да бадь вужьясыс. Серпаслөн подувнас босьтöма йöзкостса искусствольыс нырвизьяс.

## Челядь синъясөн

Коми Республикаса МЧС-лөн медшöр управление да став Россияса добровольнöй пöжарнöй котырлөн республикаса юкөн юörtöны «Безопасность глазами детей» конкурс йылыс. Челядьлөн радейтана конкурс мунас некымын нырвизьын: биыс видзчысьöм, вöрын да ва вылын асьтö колана ногөн кутöм, пöжарыс видзчысян öния техника да нöшта öти торья нимпас - «Спасатель и пожарный - профессии героические».

Тавоя конкурсыс мунас куим тшупöдын. Став юалöмөн позьö шыödчыны 8(8212) 21-02-45 телефон пыр.

*Коми Республикаса МЧС-лөн медшöр управленцелөн юör серти*



## Ёнмөдны челядьлысь дзоньвидзалун

Кольом вежонё И.П.Морозов нима реабилитация шөриньысь быдтасъяс пöся вочаалісны ас-сынысь бать-мамнысö. Аддзысь-лөмсö сиисны, дерт жö, Олимпиада-далы.

«Кыв асьтö олимпиеечöн!» - буретш татшöм ним улын и востісны гажсö. Вöлі ставыс: кып, дөрапас, факел, олимпийскöй клятва. Ворсны-ордйысьны челядь юксисны командаяс вылö, быд котырын вöлі кык верстбö, кодьяс быдтасъяс мозныс жö радлісны да пöттöдз котралісны.

Ордйысьöмгъяс бöрын бать-мам кывзисны урокъяс, а тшöтш и пыралісны «Колобок» кружокö, көні дзюлюкъяс став сьблөмсяньныс вöчалісны олимпийскöй медальяс.

Таысь öтдор бать-мам дырйи вöчисны «Со здоровьем нужен спорт» тема серти кывбур лыддысьяслөн конкурслы кывкөртöд. Вермысьяслы вичмисны грамотаяс да козингъяс.

Медбöрын шöринса специалістыяс да бать-мам чукөртчисны «гöгрöс пызан» сайö, медым нöшта öтчыд сёрнитны быдтасъясныслөн дзоньвидзалун сөвмөдөм-видзöм йылысь. Та могысь шöринса петкөдлісны дзоньвидзалун сөвмөдан выль технологиясь презентация, нуөдісны анкетирование да разöдісны памяткаяс.

*Миян корр.*

## Шедөдісны зарни да бронза

Февраль 8-9 лунгъясö Ленинград обласътса Кингисеппе карын муніс вольнöй борьба кузя регионгъяскостса турнир. Сиöма сійöс М.И.Седюк партизанлөн да тышгъясын пöгибнитöм салдатгъяслөн паметьлы.

Ордйысьöмö пырöдчис Эстонияысь, Латвияысь, Казахстанысь, Ставропольысь, Великий Новгородысь, Тверьысь, Санкт-Петербургысь, Вологда да Ленинград обласътысь, Карелияысь да Коми Республикаысь 150 сайö спортсмен. Миян регионсянь ветлісны республикаса ДЮСШ-ысь борецгъяс.

Кыдзи висъталіс налөн тренер Владимир Скрипов, медбура петкөдчис Михаил Гилев да шедөдіс медводдза места 45 килограммөдз сьöктаа категорияын. Андрей Рыжов, Иван Зайцев, Роман Алешихин, Александр Артеев да Рамазан Искандеров воисны полуфиналөдз да шедөдісны бронза ас сьöкта категорияын.

Ордйысьöмыс лои нöшта öти тшупөдөн вольнöй борьба кузя зонгъяс костын Россияса первенство кежлö дасътысигөн.

*«Спортaгентство» серти*



## Шойнатыын ворсöны хоккейөн

Сочиса Олимпиада восьтан лунö Көрткерöс районса Шойнатыын тшöтш вöлі гажа - нуөдісны хоккей кузя ордйысьöм.

Сійö лунö термометр петкөдліс 26 градус көдзыд, но шоңдыс нимкодмөдіс и спортсменгъясöс, и видзөдысьясöс. Сэки жö сетісны грамотаяс да аттöоалісны найöс, кодьяс отсалісны дасътыны катоксö. Öні эм, көні колявны прöст кад том йöзлы кузь төвса рытьгъясö да паныдасълыны ёртгъяскөд.

Шойнатыса школаын лои быдса хоккейнöй сборнöй. Тайö зонгъяс, кодьяс оз повны көдзыд поводдя дырйи петны йи вылö да ворсны. Матч дырйи ворсісны «гöрд» да «лөз» командаяс, торгъялісны формайслөн рөм сертияс.

Лөк, мый хоккейөн ворсаніныс дыр кад чöж прöст оліс, но öні сэні лоö уна йöза. Лооны вермөмгъяс да ворссьöмгъяс, но медшöрыс пыр колö, тайö - спорт радейтöм. Кутам лача шойнатыса хоккеистгъяс, аския чемпионгъяс вылö да виччысям вермөмгъяс.

*Ксения ПАНИУКОВА*



ГАЗ

Февраль 5-7 лунъясö Сыктывкарын муніс «Зимушка-зима» республикаса витöд конкурс, көні асьыныс мастерлуннысö петкөдлісны да орд-йысисны том йөктысьяс. Тайö конкурсыс кык онас мунö öтчыдысь.

# Жöвся вальс

Конкурсö пырöдчöны том-уловлөн йөктысь котырьяс. Мед-водз налы колö ыстыны жюриöн донъялом вылö видеозаписьяс. Тайö сідз шусяна заочной этап. А сесся нин медбурьяссö корöны республикаса ордйысьом вылö. Тавося конкурслөн мод-этапö петіс 33 хореография котыр. А тайö сюрсысь унджык йөктысь, кодъяс локтісны Сыктывкарысь, Усинскысь, Ухтаысь, Сосногорскысь, Печораысь, Сыктывдін, Куломдін, Чилимдін, Емдін да Луздор районьясысь. Налысь йөктöмнысö жюри да видзöдысьяс донъялісны Ю.А. Спиридонов нима искусствояс гимназияса концертной заллөн сцена вывсынь.

И вöлі мыйöн нимкодьясны! Мичаа вöччöм, кышyd лола да нюмъялысь томуров вылö окота вöлі видзöдны дутдывтöг! А налөн мастерлунысь весиг кольмывліс юр.

А донъялысьяслы коліс бергöдны ыджыд удж. Сэні пукалісны республикаын и весиг Россияын

нималысь войтыр: Коми Республикаса опера да балет театрысь артистка Наталья Супрун, балет-мейстер Татьяна Бурилова, Кировысь Валентина Устинова, Москваысь Анастасия Васильева, Сыктывкарысь «Сигудок» ансамбльон веськөддысь Надежда Наркевичус, Ухтаса «UNITED ВIT» котырон веськөддысь Саид Джо-раев да Коми Республикаса йөктана спорт федерацияса президент Елена Дзибий. Найö сюся видзöдісны быд петкөдчысь бөрся, донъялісны ордйысьяслысь йөктыны да сцена вылын асьысö кутны кужöмлунсö, а тшöтш и костюм-паськөмлысь мичлунсö да шыладдысь аслыспöлöслунсö.

Йөктысьяс ордйысисны нель арлыд серти сизим нимпасын: тайö «Челядьлөн йөктöм», «Классической йөктöм», «Йöзкостса йөктöм», «Стилизация», «Эстрадной йөктöм», «Ония хореография» да «Бальной йөктöм». Таво весиг садйö на ветлысьяс - Усинскса «Росинка» хореография котырё пырысьяс - волісны видзöд-

лыны гырысьджыкъяслөн мастерлун вылö, а тшöтш и асьысö петкөдлісны бур йөктöмөн. Налөн гырысьджык ёртъясыс, 7-10 арса ныв-зон, лоины вермысьясөн «Йöзкостса йөктöм» да «Ония хореография» нимпасьясын.

Жюри серти медбур йөктысь котырьясөн лоины Сыктывдін районса Паджагысь «Отрада» да «Dance future», Сыктывкарысь «Шонді» котырьяс, Сыктывдінысь культура керкабердса «Виктория» шоу-балет, Печораысь «Стиль» котыр, Сыктывкарса «Артмас» балет йөктысь ансамбль. Гран-при шедöдіс «Артмас» котыр. Конкурсö пырöдчысьяслы быдöнлы вичмисны дипломьяс да аттöбалаана кывъяс.

Чолöмалам вермысьясöс! Сэтшöм нимкодъ видзöдны йөктысь томуров вылö! Окота весиг и аслыд сувтыштлыны да бергалыштны вальсын. Нывъяс да зонъяс, кутшöм ставныд молодецьяс! Зэв бур, мый аддзöмныд кад йөктöм вылö. Со öд, сулаланнын нин ыджыд сцена вылын да нимкодöданныд сы мында йöзöс. Сиам и водзö вылö выль вермöмъяс.

**Надежда ПУНЕГОВА**  
Снимкьясыс авторлөн.





## АДДЗЫСЬЛӨМ

Февраль 5 лунö челядьлөн юркаrsa библиотекаын котыртлисны коми гижысь Елена Васильевна Козловакөд «Волшебные очки» аддзысьлөм.

# Ныв-зонлы ыджыд козин

Елена Васильевна чолөмасис челядькөд аслас чужан кывйөн - комиён. Том лыддысьсыяс азыма кывзисны сылөн челядьдырся кад да творчество йылысь висьтасьом. Гижысь висьталіс Коми Республикати неважөн ветлөмъяссö, кутшөм мөвп-сьолөмкылөм коли та бöрын, мый сетö поэялун водзö сөвмөдны литературной творчествосö.

Елена Васильевналөн челядьдырся да семьясыкөд йитчөм лоөмторъяс тшöкыда лооны подулөн сылөн гижөдъяслы. Сійö гижö комиён, а сылысь творчествосö вуджөдöны мукөд кыв вылө - роч, башкир, мари, удмурт, мордва, француз да норвежской. Елена Васильевна шуис, гашкö, пö и ачим кута вуджөдны ассьым гижөдъяссö роч вылө.

36 номера школаысь 4 «а» да 4 «б» классъясысь велөдчысыяс сьолөмсянныс кывзисны коми гижысьсö. Торйөн нин көсийсны тöдны «Гöгыля-вугыля» («Волшебные очки») повесыт-мойд йылысь. Елена Васильевна вöзйис ныв-зонлы аснога эштöдны мойдсö. Велөдысь-велөдчысыяс сёрнитчисны, мый быть гижасны водзö лоөмторсö, а библиотекаын мөдысь аддзысьлөм дырйи Елена Васильевна висьталас, кодлөн медбура артмис гижөдыс.

2014 во - гижысьлөн тшупöда паса во. Библиотекаын уджалысыяс да челядь дасьтисны Елена Козловалы неыджыд козин - петкөдлісны сылөн гижөд серти петкөдчөм, а сэсса корисны сійöс кытшö да сьылісны «Как на наши именины...».

Ставлы вöлі нимкодъ аддзысьлөмысь. Бöрын öтув снимайтчисны да босытисны гижысьылысь кырымпас. Челядь, велөдысьяс да библиотекаын уджалысыяс аттьöалисны Елена Васильевнаöсь пöсь аддзысьлөмысь да сиисны, медым сылөн творчествоыс водзö сөвмис.

*Челядьлөн юркаrsa  
библиотекалөн  
юпр серти*



## ВОРСЫШТАМ

# Аддзысьлам Пера-багатыркөд

Сыктывкарса 80 номера челядь садйын ныв-зонлысь дзоньвидзалунсö кыпöдö Елена Игнатъевна Слесарева. А такöд тшöтш дасьтö дзолукъяслы аслыссикас гажа ворсöмъяс. Тайö номерын ми йöзöдам кык ворсöм, кодi отсалас шойччыны оз сöмын садйö ветлысьяслы, но и школаын велöдчысьяслы да верстыö йöзлы. Дурыштнытö тай, майбыр, торъя арлыд оз ков.

Елена Слесарева весиг лыддысянкыв на дорö лöсьöдöма:



*«Вөрті пышйö тэрыб ур,  
Меным киö тэ эн сюр!»*



## «Ворсам

### Пера-багатыркөд»

Лыддысянкыв отсöгөн бөрйöны ворсöм нуöдысьöс - Пера-багатырöс. Мукöдыс лоöны вöрын олысьясöн, сулалöны кытшын. Пера ветлöдлö на гөгөр да гораа шуалö: «Вөрöд öдийö ветлöдла, быд пу сайö видзöда...». Сэсся сийö сувтö кодкö сайö да мышкас тотшкöдчöмөн юалö: «Тотш, тотш, тэ кодi?» Пералы «пемöсыд» вочавидзö: «Йöра» (вермасны лоны Руч, Кöч, Ош, Кöин да мукöд). Пера сылы и шуö: «Ме Пера-багатыр, котöртам?» «Пемöсыд» и шуö: «Котöртам!» И мыйöн тайö кывъясыс лоö шуöма, кыкнанныс заводитöны котöртны кытш гөгөр (видзöдлöй серпас вылö). Кодыс водзджык воас аслас местаö, сийö лоö нуöдысьöн. Мöдыс - Пераöн. Ворсöмыс муно сэтчöдз, кытчöдз оз дышöд. Котöртöмсö позьö вежны чеччалöмөн, дзодзöг моз муноöмөн да с.в.



### «Пу вылын лэбачьяс»

Челядь сулалöны кытшын. Кык мортöн, «лэбачьяс» кияссö пуктöмась «пулөн» пельпом вылас (видзöдлöй серпас вылö). Пытшкөсса кытшын - челядь-пуяс, ортсыса кытшын - лэбачьяс. Ворсöм нуöдысь шуалö: «Шондiа». Сидзкö, «лэбачьяс» вермöны быдлаö ветлыны, шойччыны. Пуяс öтарö-модарö вөрöны. Мыйöн ворсöм нуöдысь шуас: «Тöv ныр» - лэбачьяслы колö удитны пуксыныны аслас пу вылö.

Некымынысь ворсöм бöрын «пуяслы» да «лэбачьяслы» позьö вежсыны местанас.



**Сиктысь – карё  
ЮОР, ВАЯМ**

## Төгмасим урьельсакöг

Видза олан, «Йөлöгa»! Бара на ми - Корткерöс районьсы Керöс сиктса томуров - юор мөдöдам. Окота, мед мян ичот сиктса вьлиторъяс йылысь став республикаыс төдiс.

Уна во нин мян районьн быд тувсовъя каникул дырйи муно челядлөн «Ошкaмöшка - радуга» гаж-фестиваль. Кыскö пыр чуктöдлiсны сьом ныв-зонлы и козин вылö, и туй вылö. И ми пöшти быд во пырöдчылiм. Сьылысь-йöктысь ныв-зонлы петавны мөд сиктö - ыджыд гаж да радлун.

Водзын, кор мян тыр öдөн уджалiс совхоз, тшöкыда ветлывлiм концертъясөн орчча сиктъясö и «Беларусь» тракторён, и төвнас вöвъясөн. А öнi либö подөн пö ветлöй, либö ас машинаөн. И ми, «Визув ёль» йöктан котыр, «Кодзувъяс» посни сьылысьяс котыр да «Кодзувкотъяс» походö ветлыны радейтысьяс шуим петавны подөн матысса сиктъясö, а гожöмнас ылöджык нин позяс велосипедөн журкнитлыны.

Кор ми ставөн туйö петам - öтувтчам «Кодзувкотъяс» котырö. Неважөн мөдöдчим Урьель посёлкөдз, кодi меститчöма 14 километр сайын мян сиктсянь. И вот öд везитiс, бур морт веськалiс, аслас машинанас нулiс мянöс. Кытшöвти м посёлкөсö, волiм «Китай» местаöдз, сы сайын и коркö аэропорт вöвлöма. А посёлк помас вöрас пырö

туй, кытi ыджыд машинаясөн петкөдöны-нуöны вөр, и муно сийö туйыс веськыда Лөкчимдiн посёлкөдз.

Удитiм тшöтш и сэтчöс клубö кежавны, көнi мянöс виччысисны Даша да Саша нывкаяс. Клубөн веськөддысь Светлана Сергеевна Малышева юктöдiс тшайөн да чöсмөддiс кампет-печенньöн. Бөртиджык сэсся локталiсны ворсысь-видзöдысьяс.

А локти мi Урьельса клубö ыджыд мөгөн - матöджык мед төдмасьны мян кодi жö сьылысь-йöктысь посни войтыркөд. Паныдасьлөмыслы сетiм ним: «Ребята, давайте жить дружно!» Мыйла рочөн? Да сы вöсна мый унджыкыс Урьельын сёрнитöны рочөн. Сцена вылын пöттöддз сьылiм да йöктiм, а тшöтш ас коддьöмкөд ворсiм. Вермысьяснас петiс урьельсалөн «Радуга» команда. А мян котырлөн нимыс вöли «Гномики». Козинъяс босьтöм бöрын ставөн öтув тшай юим. Аттьö бура вочаалöмысь! Ми тшöтш виччысям налысь волöмсö.

*«Кодзувкотъяс» котырö ветлысь томуров,  
веськөдгысьяс -  
Наталья Семёновна ВЕТОШКИНА.  
Корткерöс районса Керöс сикт.*





ГАЗ

**Эжа районса челядлөн творчество шөрины чукөртчылісны сьывны-йөктыны да шылада инструментөн ворсны радейтысьяс. Февраль 4 лунө сәни котыртілісны «Музыкальная карусель» конкурс.**

## Шылад быдлаын -

## И ЗЭРЫН, И ШОНДЫН...

Видзөдысьяслы весиг пуксыны вөлі некытчө. Конкурсантьяс, дерт жө, полісны петны сцена вылө, но быд петкөдчигөн гөсьтыяс вочаалісны да кольбөдісны го-раа клопайтөмөн. Конкурсө пырөдчисны 7-9 да 10-13 арөса челядь.

Гажсө восьтіс «Музыкальная палитра» ансамбль, сьыліс «Олимпиада» сьыланкыв, кодөс сиис Сочиса Олимпиадалы. Сьы бөрын юргис «Импрессио» ансамбльлөн «Песенка о папе» сьыланкыв.

- Шылад быдлаын - и зэрын, и шондын, сійө быттьө мойдысь, - висьталіс гажсө нүөдысь.

Шензбөдіс том пианистъяслөн ворсөм. Найө зілісны петкөдлыны музыкалысь мичлунсө. Нимкодъмөдісны и йөктысьяс. «Ревранс» йөктан студияысь медся ичөтгыас ыззбөдісны видзөдысьяс асланыс петкөдчөмөн, йөктісны «Ладощки» да «Веснушки».

Конкурс коли өти здукөн. Сійө кажитчис и видзөдысьялы, и конкурсө пырөдчысьялы. Ставлы лои гөгөрвоана, мый шөринө воывлөны ыджыд енбиа челядь.

**Ирма БЛЮМ,**  
**«СМЭЖ» пресс-центрө**  
**ветлысь.**



## Ёна и ворсім!

Челядлөн да велөдчысь том йөзлөн Сыктывкарса дворечын котыртілісны ворсан уджтасъяслысь «Забава» конкурс-фестиваль. Сэтчө чукөрмыліс 160 сайө морт: и челядь, и верстьө.

Конкурсөдз быд лун мыйкө ковмис вөчны: репетиция, сценарий дасьтөм, паськөм вурөм да мукөд. Но миян велөдысь Елена Анатольевна Тарасова сетіс миянлы вын, эз лэдз сетчыны муззөмлы.

Со и пуксис дыр виччысяна здук. Верстьөджык челядь отсалісны ичөтгыаслы: пасьтөдісны, лөсьөдісны грим. Сцена вылын быд петкөдчөм вөлі аслыспөлөсөн. А кутшөм мича паськөмыс конкурсантьяслөн! Весиг жюри эз сөмын пукав да донъяв миянөс, а тшөтш ворсіс. Фестивальсө нүөдіс Валентин Васильев. Быд котырлөн петкөдчөм водзын петавліс сцена вылө торъя костюмөн да аслыспөлөса төдмөдіс командайн.


И со воис сцена вылө менам петан кад, но ме нинөмысь эг пов. Төді, мый ме понда залын «висисны» «Мастер игры» творчества котырысь челядь.

Конкурсыс коли здукөн. Коймөдысь нин пырөдча «Забава» конкурсө, но бөръяыс медьёна коли сьөлөмө.

**Валерия ГОРЧАКОВА,**  
**челядлөн да велөдчысь том йөзлөн творчества двореч,**  
**«Мастер игры» котыр.**




Коми-перым том войтырлөн «Туни-Тан» «Вконтактемысь» котыр тшöтш чолöмалö «Йöлöгаса» лыддысьысьясöс вежа Валентин лунöн. А козин пыдди лобны коми-перым кыв вылын радейтчöм йылысь кывбуръяс.



Любиті ме, лобитöм тэныт сеті,  
Любитöм поди эз на кус быдсөн.  
Но ась тэнö оз ни вөрзётыс эти,  
Сьöдлөмтö тэнчит оз жугылыт немöн.

Любитöм вöм, но эз вöв надежда,  
Пыр полöм вöм да вежöкті дэиқ,  
Любитöм вöм сьöдлөмсянь да неждий,  
Любитас тэнö ась öнi мөдiқ.

гижис А.С.Лушқин, вуджöтiс М.Л.Лихачёв



Тэ менö сунöтiн, сунöтiн, сунöтiн,  
А ме сё надейтш, видзчиси быд лун,  
Ошынö видзöнi, веритi и тшöд,  
Что ме дынсь он пышиш, он дынсим мун.

Но кувсёй рйтiтэз, и везити биынöс,  
Ме ас пытикам тор кыз оз öнiсянi пöр,  
Кетчö меным воштыны шоньтiс, вынöс,  
И кыз лобитöмлiсь кувсöтны югöр?

Эд кувзiсь усё быд тор, менам дона,  
Кöр абу тэ ордчöн, кöр он ме дын лок,  
Ме тэкöт, — и меным и мича, и шоньт,  
Ме тэтöг — и öшö кыз му пытикö говк:

— Лок!

гижис Н.В.Исаева

Делсöн Сала



Некöр ме тэнö эз вежöрт,  
Некöр ме тэнö оз вунöтчы.  
Радейтны сьöкыт тэ вежöрт,  
И ме бöрсянь некöр эн вöтчы.

вуджöтiс В.Епанов



**Вежа Валентин лунö нöшта на окота шуны муса пöлыдлы радейтана кывъяс. А поэьо и сёлöм мыгöра открытка пошта пыр ыстыны. А кутшöм нимкодь лоö сылы, кодлы воас письмöыс! Быд семья, гозъя аснога пасйöны тайö лунсö. Кызди медводдзасысь аддзысисны-тöдмасисны, кызди öзйис радейтчöм - быдöнлөн чужö аслас история.**



## Ставсьыс медся дона

Екатерина да Сергей Пасынковъяс аддзысьмөаөсь 2006 воын. Таво тулысын көкъямыс во нин лоö налөн тöдмасьöмлы. Съод сингъаса вöсньыдик ныв дзик пыр и кажитчöма Сергейлы. А сэсся нин зон заводтöма юасыны ёртъясыслысь Катя йылысь да вöчны нывлөн сёлöмланы медводдза воськовъяс.

- *Кад кольöм бöрын мян костын чужис радейтчöм*, - висьталö Катя. - *2011 вося арын Сергей корис петны верöс сайö. А сентябрь 23 лунö мян вöли көлысь.*

Медым радейтчöмыд эз кус, колö öта-мөдтö нöшта пыдди пуктыны. Радейтчöм да пыдди пуктöм мунöны олöм чöжыд крепыд киён кутчысьöмөн. Бур, кор гозъяöс йитö öтув тöжд-мог, кор найö öтлаын венöны мыгшöдъяс да öтув нимкодзасыöны вермöмлы.

- *Миянлы некор оз тырмы кад, но гозъяыдлы быть прöст кадсö öтув колявны. Кымын тшöкыджыка, сымын и бур. Аслам верöскöд быд гожöм ветлам сылөн пöчыс дорö Киров областьтса Вишкиль грездö. Сэни шойччам, гожйöдчам, юын купайтчам - пыр*



*öтлаын*, - висьталö Катя. - *Колö тшöкыджыка нюмъявны öтамöдлы, юксыны сьöкылунөн да öтув мөвпавны, кызди сийöс венны. Тагзи радейтчöмыд крепаммö, а сёлöмкылöмъясыд некор оз кусны, а мөдарö - пыдöджыка на вужьясьöны.*

Мый сэтшöмыс радейтчöм? Гашкö, кывъясөн и сьöкыд шуны. Но кор сёлöмад чужö сылөн би киньыс, а сэсся нин быдса бипур артмö - сэк нин ачыд гөгөрвоан сылысь көрсö. Сидзжö и Катя чайтö. Тайö сёлöмкылöмыс пö меным мыйкö кыпытдор.

Сергей да Катя олöны Сыктывкарын. Найö нинöмөн оз торъявны мукöдысь: ёна уджалöны, медым зумыдджыка сувтны кок вылö, мөвпалöны челядь йылысь. Сиам налы и водзö öтлаын овны да нимкодьмöдны ёрта-ёртсö. Быд семья - тайö ичöтик мир, и сийöс колö зэв ёна видзны.

**Екатерина МИКУШЕВА.**

**Снимокыс  
Екатерина да Сергей  
Пасынковъяслөн  
гортса альбомысь**



## ЧОЛӨМАЛӨМ



Көрткерөс районса Шойнатыгысь Евгений Подоровос да Валентина Колеговаос чолөмала радейтчысьяслон лунөн! Сиа ыджыд да помтөм радейтчөм, шуд да дзоньвидзалун налы да налөн ичөтик Глебушка пиыслы!

*Татьяна ЖУКОВСКАЯ*

# Вежа

Дона мамукөй, чолөмала тэнө вежа Валентин лунөн! Мед тэнад нима вежаыд видзас тэнө став лөксыс. Ло татшөм жө шаньөн, мичаөн, донаөн. Крепыд дзоньвидзалун да помтөм шуд!

*Галина ныв*

Кодъяс корсьоны радейтчөм - сиа адзыны, а кодлөн эм нин радейтана пöлыс - некор мед он янсодчы ськөд. Вежа Валентин лунөн! Радейтөй да мед тиянөс радейтасны!

*Анастасия ПОЗДЕЕВА*

Дона коми войтыр! Чолөмала вежа Валентин лунөн! Оні унаысь позьö кывны, мый муслун кольö бокö, и оз нин пö кужны öта-мөдöс сөстөма радейтны. Но такöд ме абу сөглас. Чайта, мый и оні мусукьяснымöс сьölөм серти колö бөрйыны. Налы, кодъяс эз на адзыны асьыныс муса пөвсö, сиа: мед сьölөмныс ясыд синмаөн лоö да уна морт пиысь медсясö корсяс. А налы, кодъяс пöлаөсь нин, сиа вояс чөж нуны сьölөмын радейтöмлысь бисö.

*Кулөмдінса землячествоін веськөдлысь  
Наталья ШАХОВА*



# Валентин лунён!



Став сёлөмсянь чолөмала ассым дона да муса Костя верөсөс радейтчысыяслөн лунён! Тэ менам олөм пыкөдөй, лов гажой, сёлөм шонтысьой! Сиа, мед олөмыддөн быд здук вөлі тырөма муслунөн, кыпыд ловруөн, сөстөм сёлөмкылөмьясөн! Тэ зэв шань, ыджыд сёлөма морт, гашкө, та вөсна тэнö пыдди пуктöны и челядь, и верстьö йөз. Но, а ме радейта став сёлөмөн, и гашкө, сөмын öнi, 10 во мысти, ме гөгөрвои, кутшөм тэ меным дона да колана! Рыв и асыв кевма Енлы тэнад дзоньвидзалун вөсна, мед кужи вöчны тэнö шудаөн, мед кужи лоны тэныд бур гөтырөн... Уна сьöкыд здук вөлі миян олөмын, но ми ставсö венiм! Аттьö, зарнийöй менам, мый тэ эм, мый радейтан, мый тöждысян, мый сетан и водзö шуда олөм вылö надея!!!

*Пöся окала да кутла мусаöс,  
тэнад Юля*

Радейтана Наташа нылöс став сёлөмсянь чолөмала вежа Валентин лунён! Ме шуда, мый тэ менам эм. Ёна-ёна радейта тэнö, мусаöй. Ло пыр мекöд.

*Тэнад Яков*

Менам мусаöй, донаöй, радейтанаöй! Чолөмала тэнö вежа Валентин лунён! Енмыс ыстiс тэнö меным, медым ме лои Му вылас медся шудаөн. Зэв ёна тэнö радейта! Мед миян муслунным луньсь-лун крепаммас-ёнмас да лоас пыр татшөм жö сөстөмөн.

*Тэнад радейтана*






## Сочиса Олимпиада өзтис виль кодзувьяс

15 арөса Юлия Липницкая шедөдис зарни командаон фигурноя исласьомын. Ордйисигон сылы вөлі 15 арөс да 249 лун. Юоланныд; мыйла татшөм стөч лыдпасыс? Сийө квайт лунөн ичөтджык мөд фигуристкаыс - американка Тара Липинскиыс, коді 1998 воын лои медбурон Наганоса Олимпиада дырйи. Сідзкө, Юлия - медтом спортсменка Россияса сборнойын.

Фигурноя исласьом видзөдис Россияса президент Владимир Путин. Сийө весиг сувтис, кор Юля ислаліс йи вылын.

Россияса сборнойын командаон фигурноя исласьомын зарни шедөдисны: Евгений Плющенко, Юлия Липницкая, спортивной параяс - Татьяна Волосожар да Максим Траньков, Ксения Столбова да Фёдор Климов, йөктан параяс - Екатерина Боброва да Дмитрий Соловьёв, Елена Ильиных да Никита Кацалапов.



## ВӨЛӨМКӨ

Сочиса Олимпиада  
козналіс виль орд-  
йисьөмьяс.



Нывбабаяслон  
трамплиныс  
лыжион  
чеччалом

Ордйисьөмыс нинөмөн оз торъяв мужичөйяс-  
лонныс. Колө чеччыштны  
трамплинсянь кымын вер-  
ман ылөджык 2,5 метра  
кузья лыжион.

# Мый вильторйыс

Сноубордын да фристайлын  
слоупстайл

Тани көть өти лыжион, көть сноуборд спортсмен-  
лы колө петкөдлыны унджык трюк. Та дырйи ис-  
ковтоны перила, быдсикас мытшөд вывти.



Биатлонын  
смешанной эстафета

Командаын кык мужичөй да кык нывбаба. Мед-  
водз котөртөны нывбабаяс 6 километр. Лыйсяни-  
ныс 2-өд да 4-өд километры. Вермөмыс вичмө  
стөчлуныс да тэрыблуныс.





## Командаөн фигурной исласьом

Тани йитчөмаось фигурной исласьом да гимнастикаын командаөн ордйисьом. Мужичой, нывбаба да параөн йөктөмын колө петкөддыны дженьыд да өтка программа. Кымын бурджыка петкөдчас быд спортсмен, сымын унджык позянлун командаыслы шедөдны вермөм.

# «Сочи-2014» дырйи?



## Сноубордын параллельной слалом

Кызди и лыжион, спортсменлы колө искомтны трассаод, но оз позь инмөдны сувтөдөм флажокъяс. Сноубордистъяс лыддьоны дисциплинасө сьөкыд-джыкөн лыжи дорысь, өд флажокъяслөн өта-мөдсьыс костыс дженьыдджык.



## Хаф-пайп

Подуласьө сноуборд вылө. Лыжник лэччө торъя трассаод 200 метра. Сылы колө петкөддыны акробатической фигура, мый и донъялө жури.

## Командалөн даддьөн искомтөм

Спортсменъяс лэччөны трассаод да торъя здуко вуджөдөны мөд мортлы эстафета. Вермө сийө командаыс, коді медөдйө воас финишө.

«Коми йөзөдчан керка»  
Коми Республикаса  
автономной учреждение.

**Веськөдлысь**  
**Н.Н.БЫКОВСКАЯ**  
**Гл.редактор**  
**Г.В.МАКАРОВА**



Газет панысь:  
Печать да юөр сетан Коми Республикаса агентство.  
Регистрируйтөма  
2007 вося ноябрь 28 лунө  
йөзлы юөр сетөм да  
культураса озырлун видзөм  
кузя оланпасъяс  
збыльмөдөм бөрся  
видзөдысь федеральной  
службалөн Беломорской  
управлениеын.  
Регистрирунтан пас:  
ПИ №ФС 3-0686.  
Социальной төдчанлуна  
гижөдъяссө йөзөдөма «Коми  
йөзөдчан керка» автономной  
учреждениелы печать да юөр  
сетан КР-са агентствөон  
вичмөдөм сьөм вылө.



**Редакциялөн адрес:**  
167982, Сыктывкар,  
К.Маркс улича,  
229-öd керка,  
401-402 кабинетъяс.  
**Тел.** 24-12-22, 24-36-49.  
**E-mail:** Yologa@mail.ru



**Редакцияын  
уджалысьяс:**  
**том йөзлөн веськөдлысь –**  
Надежда Пунегова;  
**письмө юкөнөн  
веськөдлысь –**  
Екатерина Микучева.



Медводдза лист бокас  
снимокыс  
Надежда  
Пунеговалөн.



Авторъяслөн мөвпяяс оз  
пыр лөсавны редакциялөн  
видзөдласкөд.



Тираж – 551.  
Гижөдчан индекс – 52099.  
«Йөлөг» газет петө  
1991-öd восянь  
вежоннас өтчыд, комион.



Печатьө кырымалан кад:  
график серти – февраль  
төлысьлөн 12-öd лунө  
16 часын; кырымалөма  
печатьө 16 часын.  
Газет печатайтөма  
«Коми республиканской  
типография» ООО-ын дась  
оригинал-макетъясъяс.  
167610, Сыктывкар,  
В.Савин улича, 81  
Заказ №



газетлөн лист бокын. Серпасасьны радейтысьлы, а тшөтш и сылы, кодлөн оз на ёна мичаа ставыс арты, позьё видлыны вөчны төвса серпас - лым пытшкө дзевсьём ичөтик грезд.

# Төвса грезд



**Та вылө колө:** кабала, гуашь да кисточкаяс.

\* Кабала вылө медводз вөчам фон. Войвылад төвса асывнад енежыд алөйгөрд, а муыд югыд-лөз. Тасянь и заводитам. Краскатö босьтам сукджыка, медым рөмьясыс оз сорласьны öтамöдыскöд.

\* Сэсья фиолетөвöй рөмөн серпасалам ылын сулалысь пуяс. Видзөдöй серпас серти.

\* Та бöрын мугöм рөмөн серпасалам керкаяс. Кодöс ылöджык, кодöс матöджык, кодöс ыджыда, кодöс ичöта.

\* Сэсья керка гөгөр серпасалам забор.

\* Та бöрын босьтам вöсньыд-джык кисточка. Сы отсөгөн серпасалам еджыд лым, кодi пуксьöма керка-пуяс вылө, лым толаяс. Лөз рөмөн серпасалам туй.

\* Войвыв шондйыд кöдзыд. Та вöсна сийö оранжевöй рөма. Керка öшиньяс серпасалам кольк-вижөн.

\* Медбöрын серпас пасьта пукталам лым чирьяс да ловзöдам серпассö йöзөн, пемöсьясөн, лэбачьясөн, а тшөтш и пач трубаöд петысь тшынөн.

Артмис! Со и веськалим ми төвса ичөтик грездö. Окота, мед тайö серпасыс шонтис тиянös кузь төвса кöдзыд войясö.

